

**E SIMAN AKI NO TIN MAS
CITA DISPONIBEL PA VACUNA
DI KEINTURA GEEL NA
DEPARTAMENTO DI SALUD
PUBLICO (DVG)**



WWW.SOLODIPUEBLO.COM



SOLODIPUEBLO@GMAIL.COM

PREOCUPACION DI NOS COMUNIDAD PA PRIJS HALTO SEÑALA PA BANCO CENTRAL



Minister Geoffrey Wever:

**A DUNA 402
PERMISO PA
NEGOSHI NOBO
DEN E PROME 6
LUNANAN DI 2025**



**Parlamentario Xiomara
Maduro ta manda pregunta
na Minister di Finansa**



**TOCANTE
POSIBEL MAL
MANEHO DEN
E COMPA-
NIANAN DI
UTILIDAD**

**INTENTO DI LADRONICIA
NA E ATM DI RBC BANK,
UN SOSPECHOSO
(BULGARO) DETENI**



VIGILANCIA EXTENSIVO TA NECESARIO PA POR NABEGA DOOR DI E PANORAMA GEOPOLITICO TURBULENTE Y ENFRENTA E INCERTIDUMBRE NAN ECONOMICO Y RIESGO CU E SECTOR FINANCIERO TA ENFRENTA



Mescos cu den añanan anterior, e Financial Sector Supervision Report ta ofrece un bista detaya riba e implementacion di e ordenansanan nacional di supervision (incluyendo e legislacion pa loke ta trata e prevencion y combatimento di labamento di placa, financiamiento di terrorismo y proliferacion) asigna na Banco Central di Aruba (BCA). Tambe, e rapport ta duna un bista general di e cambionan riba e tereno di regulacion y supervision. Alabes ta describi e desaroyonan principal den e sector financiero di Aruba.

Den 2024, e sectornan supervisa a keda solido cu rendimiento positivo. Ta considera e buffernan di e sector financiero, bou supervision di BCA, di ta suficientemente halto pa por risisti shocknan economico, manera cu e pandemia di COVID-19 a demostra. Sinembargo, shocknan economico cu un duracion prolonga lo por tin mas desafio pa absorba. Al respecto di esaki, ta importante pa nota cu e panorama economico global a empeora pa motibo di tension global relaciona cu cambio den politica di tarifanan y otro eventonan geopolitico, incluyendo pero no limita na e guerra andante entre Rusia y Ucrania y e situacion tenso den Medio Oriente, cu lo por tin impacto riba e economia global den terminonan di prijs mas halto (di energia). Den e contexto aki, BCA ta sigui vigila di cerca e desaroyonan politico y economico internacional y ta evalua continuamente e riesgonan grandi cu por tin un efecto negativo pa economia di Aruba y pa su sector financiero.

Pronostico economico

Aunke e pronostico economico pa Aruba ta faborabel, principalmente door di desaroyonan vibrante den e sector di turismo, e riesgonan cu por tin un efecto negativo riba economia di Aruba y su sector financiero a aumenta considerablemente pa motibo di e tensionnan geopolitico menciona anteriormente y nan posibel impacto riba e economia global. E buffernan financiero amplio teni door di e banconan y otro institucionnan bou supervision a demostra di ta sumamente instrumental den mantene un sector financiero

solido. Sinembargo, no mester subestima estabilidad financiero, tambe den e contexto di un posibel caida economico global y e riesgonan emergente manera crimen cibernetico, cambio di clima y avansenan rapido den tecnologia digital, particularmente inteligencia artificial. Aunke e ultimo ta brinda oportunidadnan significativo, nos mester considera tambe e riesgonan potencial cu e ta trece y maneha esakinan cuidadosamente.

Resiliencia di e sector financiero

E sector financiero di Aruba a demostra di ta sumamente resiliente, evidente tambe den e capital fuerte y buffernan di likides yudando pa absorba shocknan severo economico. Sinembargo, basa riba e lesnan cu nos a siña for di turbulencia recien den e mercado bancario di Merca y Suisa, BCA a sigui fortifica e marco di solvencia pa e sectornan bancario, companianan di seguro di vida y fondonan di pensioen door di (gradualmente) aumenta e tasa minimo di solvencia pa e institucionnan aki.

Amplia y reforsa e marco legislativo

Den 2024, BCA a logra progreso significativo den e diseño di e areglo di garantia riba depositonan, cual tin como meta mantene e confiansa den e sector bancario, contribuyendo asina na estabilidad financiero. Tambe BCA a presenta un proposicion legislativo na e Minister anterior di Asuntunan Economico pa introduci derecho legal pa portin un cuenta bancario basico bou di cierto condicionnan. E meta di e proposicion aki ta promove inclusion financiero pa e consumidor y reduci e asina yama “wholesale de-risking” di gruponan di cliente.

Tambe, e Ordenansa Nacional di Credito na Consumidor (e “State Ordinance on Consumer Credit” of “SOCC”) a introduci reglanan pa asina proteha miho e consumidor cu ta cera un contracto di prestamo cu un banco of un otro proveedor di credito door di, entre otro, determina e tasa di interes maximo riba prestamo na consumidor. Esaki lo preveni debe excesivo y establece reglanan cu ta fomenta transparencia den e area di tarifa y otro gastonan involvi den e prestamo. Adicionalmente, SOCC ta inclui reglanan di conducta pa mercado cu ta alinea na e normanan internacional den e ordenansanan nacional di supervision cu ta regula e banconan y companianan di seguro.

Fortificando supervision di seguridad cibernetico Institucionnan financiero ta enfrenta riesgo creciente den seguridad cibernetico cu ta menasa e integridad di e sector financiero. Manera cu

innovacion den sistema digital ta sigui crece, asina tambe e menasa di e asina yama “ransomware” y “phishing” ta aumenta, cu lo por interumpi operacion, causa retraso den pago y compromete datonan sensitivo. E atakenan aki por reduci e confiansa di cliente y trece riesgonan sistematico debi na e conexon liga na rednan financiero, locual ta haci fortificacion di defensa contra atake cibernetico esencial. Den e cuadro aki, BCA ta actualisando su documentonan di guia riba riesgo tecnologico y resiliencia operacional pa promove sistemanan (digital) sigur y confiabel den e sector financiero.

Follow-up ariba e Caribbean Financial Action Task Force (CFATF) Mutual Evaluation Report (MER) di Aruba

Despues di e resultado positivo di e Evaluacion Mutuo di CFATF den 2022, cu a destaca, entre otro cos, e exito di Aruba den establece un ramo efectivo pa preveni y combati labamento di placa, financiamiento di terrorismo y proliferacion (AML/CFT/CPF) como tambe e efectividad di BCA su manera di supervisa basa riba e asina yama “risk-based approach”, a pone Aruba riba un proceso di follow-up regular. Den e follow-up rapport di Aruba, cual a presenta den e di 59 reunion Plenario di CFATF na Jamaica na december 2024, ta ofrece un resumen di e progreso cu Aruba a haci den adresa e deficiencianan identifica den e MER di 2022 di Aruba. E di cinco Ronda di Evaluacion Mutuo di CFATF pa Aruba ta programa pa tuma lugar na 2029. Pa ta bon prepara pa esaki, mester ehecuta un evaluacion nobo di riesgonan nacional asocia cu AML/CFT/CPF (e asina yama “AML/CFT/CPF National Risk Assessment” of “NRA”) lo mas pronto posibel, pasobra esaki ta fundamental pa un evaluacion exitoso di CFATF. E ehecutacion di un NRA nobo lo por tuma entre 18 pa 24 luna y ta rekeri alocacion di recursonan significante door di tur entidad cu tin un contribucion importante den AML/CFT/CPF, incluyendo pero no limita na BCA, FIU Aruba y Ministerio Publico.

Pa conclui, BCA ta mantene firme su compromiso pa sigui fomenta un sector financiero solido, cu bon reputacion, inclusivo y un sector financiero resiliente cu ta conduci na crecimiento economico sostenibel.

E FINANCIAL SECTOR SUPERVISION REPORT 2024 ta disponibel for di awe riba e website di BCA www.cbaruba.org.

Parlamentario Rocco Tjon: PREOCUPACION DI NOS COMUNIDAD PA PRIJS HALTO SEÑALA PA BANCO CENTRAL

Miembro di Parlamento, Tjon, ta señala cu Minister Wever na varios ocasion, den medionan di comunicacion y den Parlamento, a nenga cu tin subida di prijs pa loke ta entre otro combustibel. Sin embargo e ultimo rapport publica pa Banco Central di Aruba (BCA) ta indica cu 94% di consumidor ta spera cu prijs lo sigui subi y 83% ta bisa cu nan por cumpra menos cu nan placa compara cu seis luna pasa.

“E ta preocupa nos cu Minister Wever ta sigui bisa cu no tin aumento di prijs, no ta presenta su plan integral con e ta bay percura pa prijsnan baha, mientras cu pueblo ta sinti dia tras dia cu nan placa no ta yega”.


Minister Wever ta indica cu prijs no ta subi mientras e realidad pa nos tur ta otro! E realidad aki ta cu nos ta wordo confronta cu prijsnan mas halto ora

nos yega supermercado, pomp di gasolin of ora nos mester paga otro gastonan diario.

E contradiccion entre e declaracionnan di Minister Wever y cifranan obhetivo di Banco Central ta pone confiansa di pueblo bou presion. Parlamentario Tjon a manda 23 pregunta al respecto pa Minister Wever y ta spera di haya contesta dentro di dos siman manera e partido di Minister Wever a priminti.



E SIMAN AKI NO TIN MAS CITA DISPONIBEL PA VACUNA DI KEINTURA GEEL NA DEPARTAMENTO DI SALUD PUBLICO (DVG)



ORANJESTAD, Aruba – 23 di juli 2025: Departamento di Salud Publico (DVG) ta informa cu tur cita pa vacuna di Keintura Geel pa e siman aki ta yen. No tin mas

disponibilidad pa vacuna e siman aki.

Nos ta recomenda y infatisa na tur persona cu tin plan pa bay biaha pa un pais of region di riesgo

pa Keintura Geel (manera algun pais den Suramerica, Centroamerica y Africa), pa planifica bo cita pa vacuna na tempo, minimo 10 dia prome cu e fecha di salida. Esaki ta importante

pa duna tiempo pa e vacuna pa e haci su efecto y den algun caso, e ta un requisito pa por drenta e paisnan.

E vacuna di Keintura Geel ta un solo dosis cu ta duna proteccion pa bida largo. Despues di tuma e vacuna, por fabor warda e prueba (buki geel) di vacunacion hopi bon, pasobra hopi pais lo pidi e documento aki ora bo ta drenta of sali for di nan territorio.

Pa evita molester of problema cu bo biahe, nos ta pidi pa tur biahero planifica su vacunacion pa tempo, y no warda te ultimo momento.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw



ARUBA BANK LO TA PRESENTE NA E EVENTO DI TOYOTA: READY – SET – DRIVE

Oranjestad – 23 di juli 2025 - Aruba Bank ta contento pa ta presente na Toyota su Ready – Set – Drive shopping night, un evento exclusivo yen di ofertonan y tremendo descuentonan riba bo Toyota nobo!

Pasa bishita Toyota Aruba su showroom, diahuebs 24 di juli 2025, for di 6or di atardi te cu 9or di anochi.

Documentonan necesario pa trece:

- Rijbewijs valido

- 2 ultimo payslips (4 si bo ta cobra cada 15 dia)
- Carta di trabou (≤3 luna bieu)
- Carta di censo of recibo di utilidad

Bini pasa un anochi agradabel, tira bista riba autonon nobo pa bo ta un paso mas serca pa logra e auto di bo soño.

Nos representantenan di Aruba Bank ta warda bo. “ Ready. Set. Drive! You choose. We Finance.”



Ta trata di vehiculonan den custodia TUR VEHICULO CU WORDO KITA DOR POLIS TA BAY R.S.I.



MACUARIMA, ARUBA: Cuerpo Policial Aruba ta informa comunidad cu entrante 7 di juli 2025 tur vehiculo cu wordo kita door di polis lo wordo hiba den custodia (ter bewaring) na R.S.I. (Recovery Soluitions & Investigation) situa na Avenida Milio Croes 40 A , Dakota ex Malboro Ball Park. (esaki ta exclui vehiculonan cu a wordo confisca como obheto di un investigacion

penal)

Manera ta conoci dia 20 maart 2025 a tuma lugar un destaho publico y e compania R.S.I. a wordo escohi pa cu e proyecto di “Bewaring, Opslag en Takeldiensten KPA”.

E compania R.S.I. lo tin como tarea entrante 7 juli 2025:

- Nan ta encarga pa takel e vehiculo cu

wordo kita door di polis y hibanan na e localidad di R.S.I. situa na Avenida Milio Croes

- Ta percura pa warda e vehiculo y ta responsabel pa cu esaki.

- R.S.I. lo tin den custodia tur vehiculo cu wordo kita dor di Polis.

- E orario cu e doño por busca nan vehiculo ta di dialuna pa diasabra di 09:00 am pa 8:00 pm na R.S.I.

- Pa por haya e vehiculo bek e doño mester presenta cu e documentonan valido. Paga e costo di takel y e wardamento. Esaki ta conforme articulo 20 y articulo 30 di Landsverordening Wegverkeer (AB 1997 no 18), articulo 1 sub B y C, articulo 5 y 6 di Retributien Legesbesluit Korps



Politie Aruba 2002 (AB 2003 no. 4).

E pago ta solamente via swipe machine. No ta acepta cash. Esaki ta wordo paga na R.S.I. su oficina.

E costonan ta como lo siguiente :

- Pa takel e vehiculo ta Afl. 175,-
- Si e vehiculo p.e. wordo hala for di caminda y poni un banda esaki ta Afl. 75,-
- Pa cada dia cu e

vehiculo keda na R.S.I. tin un costo di Afl 25,-

Tene bon na cuenta cu si bo no bin busca bo vehiculo den 48 ora, bo persona lo ricibi un carta na cas na unda cu esaki ta mara na gastonan adicional.

Despues di 90 dia cu e vehiculo keda den custodia , esaki lo wordo bendi na findishi of e lo wordo destrui si e no wordo bendi.

Parlamentario Dangui Oduber: MIENTRAS TA SIGUI DEROCHA PLACA, 83% DI NOS POBLACION TA DI OPINION CU PLACA NO TA YEGA!



Loke nos a nota durante e prome 100 dianan di gobernacion di e gobierno AVP sin Futuro ta un gobierno chaotico, un gobierno sin liderazgo, sin vision y mas bien un gobierno cu a bin pa derocha placa di pueblo.

E gobierno aki despues di 100 dia no a haci nada, nada y nada y no a cumpli cu ningun di nan promesanan haci. Nos pueblo a wordo priminti cu e gobierno aki lo bay mehora poder di compra, nan a bisa cu tur prijs nan Aruba lo baha y frigidierenan na Aruba lo ta yen atrobe.

Esaki ta e expectativa cu tanto Partido AVP como Partido Futuro a crea. E realidad awe ta totalmente contrario y e realidad amargo ta cu den apenas 100 dia di gobernacion nos pais a bay atras. E situacion pa famianan NO a bira miho, e poder di

compra NO a ser mehora y Aruba a bira mas caro aun. Mientras minister di inflacion Wever ta bisa cu 99% di prijsnan na Aruba NO a subi, tur consumidor ta pensa contrario. Segun mi minister Wever ta desconecta cu e realidad y ta biba 'in denial' of e mester bisa pueblo unda e ta haci compras pa pueblo tambe haci compras eyan.

Nos ta nota con nombracionan politico ta tumando lugar sin vacatura, sin open sollicitatie y cu salarionan cu un averahe di Afl. 15.000 pa luna. Ta nombra un diplomatico cultural sin tene un open sollicitatie procedure pa AVP y despues Partido Futuro no ta keda atras y ta nombra un candidato cu a haya mas di 100 vergunning di transporte, ta wordo nombra como District Advisor. Un funcion cu NO ta existi, un funcion cu a wordo crea pa paga un candidato di Futuro 15.000 heldu pa luna. Minister Gerlien Croes a bisa cu nan lo percura pa publica tur vacatura, cu lo tin open sollicitatie y awe nos ta wak con e tambe a gaña tur hende y tuma tur hende haci!!

E situacion na Aruba ta uno preocupante. 83% di nos poblacion ta di opinion cu nan placa no ta rindi y

nan no por compra mes hopi cos cu nan tawata por a compra fin di aña pasa. Esaki ta bisabo cu poder di compra a bay atras, cos a bira pio y placa no ta yega! Pa e siguiente 6 lunanan e consumidor ta hopi negativo y preocupa

cu e aumento di prijsnan explosivo cu tin.

Mientrastanto ainda minister Wever NO tin un plan di accion concreto con lo mehora poder di compra y con lo yena firgidairenan bek na Aruba.

Despues cu e mes a castiga pueblo cu un aumento di gas di 35% pa un compania cu a haci mas di 13 miyon florin di ganashi nos a spera un plan y un vision cual ainda lamentablemente NO tin!



Awor bo mes por download bo carta di interes di 2023 y 2024 directamente for di nos Mobile y Internet Banking app.

Login sea via bo smart phone of via bo desktop computer:

- For di den 'User Menu' selecta e opcion di 'Annual Statement';
- Siguiementemente scoge e cuenta cu bo mester, sea ta prestamo, tarheta di credito of hipoteca.
- Finalmente bo por scoge pa download, print of share e carta di interes.

Pa cuentanan of targetanan cu no ta activo mas y pesey no ta visibel den e menu di Internet Banking, por favor tuma contacto cu nos.

Minister Geoffrey Wever:

A DUNA 402 PERMISO PA NEGOSHI NOBO DEN E PROME 6 LUNANAN DI 2025

Pa habri un negoshi of haci cambio den e permiso pa negoshi segun ley, mester haci un peticion pa permiso di negoshi via e website di Departamento di Asuntonan Economico, Comercio y Industria (DEACI) y ta wordo otorga bow di responsabilidad di Minister di Asunto Economico.

Den e periodo di april te cu juni 2025 a ricibi 634 diferente tipo di peticion. Di e 634 peticion ricibi, 245 peticion a wordo trata y e permiso relevante otorga, 234 peticion ta den tramite, 155 peticion no por a wordo trata pa falta

di documento y of pago.

Di e 634 peticion ricibi y e permiso relevante otorga, 201 ta peticion pa permiso nobo den e periodo di mei te cu juni 2025. Di e 201 permiso di negoshi nobo otorga, 27 tawata pa e eenmanszaak, 30 pa filiaal, 139 pa VBA, 3 pa NV y 2 pa un vennoot di un VOF. E tipo di actividad comercial pa cual mas permiso nobo a wordo otorga ta actividadnan di Real Estate, houdstermaatschappij, compania di construction, restaurant y otro tipo di local pa come, kapsalon y salon di beyesa. Pa e prome

6 lunanan di 2025 un total di 402 permiso pa negoshi nobo a wordo duna.

Desde cu Minister Geoffrey Wever a introduci e vestigingsbeleid nobo oktober 2022 a zorg pa acelera e proceso di otorgacion di permiso door di elimina diferente rekisito, digitalisa henterl e sistema di peticion pa permiso y stimula diferente sectornan economico, inversion den centro di Oranjestad y San Nicolas etc. Meta di e vestigingsbeleid nobo ta tambe pa emiti permiso den un periodo di dos siman.




Minister Geoffrey Wever ta gradici DEACI pa percura cu e permisonan pa negoshi wordo emiti na forma eficiente y liher y tambe pa compila na un forma continuo tur

informacion riba e proceso di permiso pa negoshi.

Tur informacion riba e proceso pa permiso di negoshi ta disponibel riba e website www.deaci.aw

AMBULANS A BAY CMART PA UN MUCHA CU A CAY NA E PISO Ariba



Diamars atardi a drenta informe di cu un persona a cay na e piso ariba na CMart mesora a dirigi un ambulans na e sitio. Na

yegada di e ambulans nan a drenta y a bin resulta cu ta un mucha cu lo a cay y ta sinti basta dolor. E personal di ambulans

balente a carga e mucha y a trece den e ambulans. Den e ambulans nan a atende y a transporte pa hospital.

PARLAMENTARIO XIOMARA MADURO TA MANDA PREGUNTA NA MINISTER DI FINANSA TOCANTE POSIBEL MAL MANEHO DEN E COMPANIANAN DI UTILIDAD



STATEN VAN ARUBA

Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Alhier

Betreft: 11-tal vragen aan de Minister van Financiën inzake mogelijke wanbestuur bij nutsbedrijven

Oranjestad, 22 juli 2025

Geachte Voorzitter,

Ondergetekende verzoekt u de volgende vragen door te geleiden naar de Minister van Financiën, op grond van artikel III.17 van onze Staatsregeling, alsmede artikel 62 van het Reglement van Orde van de Staten.

Ondergetekende zou graag de antwoorden schriftelijk binnen twee (2) weken willen ontvangen.

Hoogachtend,

Xiomara Maduro
Lid van de Staten van Aruba
MEP-fractie

Oranjestad, 23 di juli 2025 – Parlamentario Xiomara Maduro di fraccion di MEP a manda dia 22 di juli 2025 un serie di preguntanan na Ministro di Finansa, sr. Geoffrey Wever, relaciona cu desaroyonan reciente den e companianan di utilidad: WEB Aruba N.V., N.V. ELMAR y Utilities N.V.

E 11 preguntanan haci ta trata

e cambio di comisarionan cu ta tumando lugar na e companianan di utilidad, sin cu e reglanan di “good corporate governance” ta wordo sigui. Maduro ta expresa su preocupacion pa e nombracionnan cu ta wordo haci sin aprobacion previo di e lenders kendenan ta institutonan financiero cu ta presta e companianan di utilidad placa, y cu segun contracto mester aproba tur comisario prome cu

nan por cuminsa traha como tal.

Maduro ta expresa temor cu e situacion por tin consecuencia financiero serio, incluyendo un posibel “default tecnico” cu por pone na riesgo e capacidad di e companianan di utilidad pa sigui inverti den infraestructura vital manera energia sostenibel y expansion di rednan.

Den su carta, Maduro ta pone enfasis riba e responsabilidad di e Gobierno y particularmente e Minister di Finansa, como doño y unico shareholder pa garantisa bon gobernacion y un maneho responsabel den e empresanan vital aki. Un di e preguntanan ta cuestiona e rol di Minister di Finansa den e proceso di nombracion di comisario, y ta cuestiona e motibo cu e mandatario ta scoge pa tuma vakantie net den un periodo cu tanto riesgo financiero ta loer na e companianan di utilidad.

“Nos pueblo mester transparenci y estabilidad. E companianan estatal ta esencial pa nos bida diario y pa e desaroyo economico di Aruba. Gobernacion responsabel no ta opcional, ta un obligacion,” segun palabra di Xiomara Maduro.

E Parlamentario di MEP ta spera un contesta por escrito dentro di dos siman.



Geachte Minister,
Op grond van artikel 62 van het Reglement van Orde van de Staten van Aruba richt ondergetekende de volgende vragen aan u, met betrekking tot de recente ontwikkelingen bij de nutsbedrijven WEB, ELMAR en Utilities N.V., en de mogelijke financiële en bestuurlijke risico's die hieruit voortvloeien:

1. Bent u op de hoogte van recente bestuurswisselingen binnen de raden van commissarissen van Utilities N.V., WEB Aruba N.V. en N.V. ELMAR?
2. Zo ja, welke procedures zijn gevolgd bij deze benoemingen?
3. Is voorafgaand overleg en/of toestemming gevraagd aan de externe financiers of kredietverstrekkers van deze nutsbedrijven, zoals contractueel vereist?
4. Kunt u bevestigen of deze benoemingen zijn gedaan conform de principes van “good corporate governance”, zoals vastgelegd in de statuten van de betreffende bedrijven?
5. Zijn er op dit moment signalen dat deze bestuurswijzigingen geleid hebben of kunnen leiden tot een (technische) default bij de betrokken nutsbedrijven?
6. Zo ja, wat zijn de onmiddellijke gevolgen hiervan voor de kredietwaardigheid en financieringsmogelijkheden van deze bedrijven?
7. Wat zijn de gevolgen voor toekomstige investeringen in infrastructuur, zoals duurzame energie of uitbreiding van netwerken?
8. Welke rol heeft de regering – en u als Minister van Financiën in het bijzonder – gespeeld in het proces van benoemingen binnen de raden van commissarissen van deze bedrijven?
9. Bent u van mening dat het uw verantwoordelijkheid is als vertegenwoordiger van de enige aandeelhouder (het Land Aruba) om toe te zien op zorgvuldig bestuur en risicobeheersing bij deze strategische nutsbedrijven?
10. Wat zijn de stappen die u gaat nemen om de stabiliteit van deze nutsbedrijven te waarborgen, en om te voorkomen dat de financiële lasten van mogelijk wanbeleid op de bevolking afgewenteld worden?
11. Kunt u aangeven waarom u – gezien de ernst van deze ontwikkelingen – ervoor heeft gekozen om gedurende deze periode op vakantie te gaan, in plaats van actief op te treden?

Ondergetekende verzoekt u vriendelijk om deze vragen zo snel mogelijk, doch uiterlijk binnen twee weken, schriftelijk te beantwoorden.


Met de meeste hoogachting,

Xiomara Maduro
Lid van de Staten van Aruba

**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



INTENTO DI LADRONICIA NA E ATM DI RBC BANK, UN SOSPECHOSO (BULGARO) DETENI



Diaranson mainta a drenta informe di un caso di intento di ladronicia na un ATM di RBC Bank, mesora a dirigi 2 patruya na e sitio. Na yegada di e patruya a bin encontra cu un security di Smartsystem cu un di e 2 sospechosonan wanta y cu algun herment. Segun su declaracion nan tabata 2 pero ela sigura un wanta na e sitio. Segun por a compronde nan lo a purba bora e parti abao unda ta hinca carchi pa asina purba yega na acceso

pa horta. Polis tin e caso bao investigacion y a yama recherche y ta haciendo

e investigacionnan necesario. Aki un rato mas informacion.



HOMBER BURACHI KIER A BAY BRINGA CU SECURITY DI UN CLUB NOCTURNO PERO ELA CORE BAY DAL UN TUBO Y A DAL ABAO KEDA EYBAO TE ORA POLIS A BINI!



Diadomingo madruga a drenta informe di cu un persona burachi lo kier a bringa cu e security di un club nocturno pero ela dal abao keda eybao benta, mesora a dirigi patruyanan na e sitio.

Na yegada di e patruyanan a bin compronde cu e homber burachi lo kier a bringa cu e security pero despues di a dal e security ela core bay dal riba un tubo di hero y a keda benta eybao.



E ORIGEN DI DIA INTERNACIONAL PA CONSERVACION DI ECOSISTEMA DI MATANAN DI MANGEL

ORANJESTAD – Riba 26 di juli di tur aña ta celebra Dia Internacional di Conservacion di Matanan di Mangel, tambe yama Dia Internacional di Matanan di Mangel (mangrove).

Riba e fecha aki ta eleva conscientisacion tocante e importancia, promocion y conservacion y maneho sostenibel di e areanan di matanan di mangel. E ta un observacion ecologico estableci pa e Organizacion di Nacionnan Uni pa Educacion, Ciencia y Cultura Cultura (UNESCO) na 2015. A celebra e dia aki pa prome biaha na 2016 y ta pone atencion riba e balor inmenso di matanan di mangel, nan rol unico den salud di nos planeta y e necesidad urgente di nan conservacion. Importancia di matanan di mangel ta remarcabel na e crusada (interseccion) di tera y lama. P'esey tambe ta deber di Directie Natuur en Milieu (DNM) pa aporta cu informacion concreto di e ecosistema aki cu ta di balor halto pa Aruba.

Matanan di mangel y nan rol den e ecosistema di costa ta inclui: aporte na biodiversidad, proteccion di costa y ta absorba y warda carbono (CO₂). Tin mas beneficio di e ecosistema aki, nan ta forma bareranan natural di costa contra tormentanan y marea ciclonico, loke ta haci cu e ecosistema aki

ta asina importante den nos lucha contra cambio di clima. E ecosistema aki tambe ta sostene seguridad di cuminda na miyones rond mundo, specialmente den comunidannan na costa y esnan indigena. UNESCO a informa riba su medionan cu algun pais a perde mas cu 40% di nan matanan di mangel entre 1980 y 2005, loke ta haci cu conservacion di e ecosistema a haya mas importancia riba agenda di reunionnan internacional y tin urgencia cu esaki. Aki na Aruba tambe nos ta wak cu hende ta cap matanan di mangel sin sa of pa ignorancia di e importancia di e matanan aki pa nos isla. Esaki ta pasando riba e islanan di rif (riba cay) caminda hende ta haci negoshi cu naturalesa sin respeta e matanan protegi aki.

Matanan di mangel aki na Aruba ta provee habitat pa un cantidad di especie, incluyendo pisca, cangreu, kreeft, cabaron, soldachi, etc (crustacea), insectonan y parhanan, loke ta haci nan vital pa mantene biodiversidad. E ecosistema aki ta actua como bareranan natural contra mal tempo, tsunami y erosion di costa, protegiendo comunidannan na costa y infraestructura. E fenomeno di capta carbon den atmosfera tambe ta un servicio di e ecosistema aki di matanan di mangel.



Aruba ta clasifica como un isla SIDS (Small Island Developing State) cu ta haci cu nos isla ta vulnerabel pa cambio di clima y su efectonan manera subida di nivel di lama. Y captura di carbono for di atmosfera ta yuda mitiga cambio di clima.

E dia aki no solamente ta pa enfatisa importancia di matanan di mangel, pero tambe ta pa vocifera e importancia di derechonan ecologico. E dia ta para pa husticia ambiental, inclusion y responsabilidad comparti pa mantene e sistemanan cu ta sostene bida. Manera UNESCO a publica cu e dia

aki ta reforsa e conexion profundo entre integridad ecologico, dignidad humano y resiliencia global. E tema pa 2025 di dia Internacional pa Conservacion di Ecosistema di Matanan di Mangel 2025 ta boga pa proteccion di area di 'wetlands' pa nos futuro. E tema aki ta enfatisa e importancia vital di matanan di mangel como solucion basa riba naturalesa pa un futuro sostenibel. E asina yama 'nature based solutions' cu ta e efectividad di e areanan pa capta y warda carbono.

Pa medio di e publicacion

aki DNM ta desea di haci un yamada colectivo y pa accion di cada un di nos pa un consciencia ecologico. E yamada ta inclui iniciativanan dirigi na hobennan, contamento di storia y creacion di arte pa trece atencion na e importancia di conservacion di ecosistemanan local. Tambe ta boga pa honra e ecosistema di matanan di mangel, honra e conexion esencial entre salud di naturalesa y nos propio bienestar. Feliz dia Internacional di Conservacion di Ecosistema di Matanan di Mangel 2025.

Atletanan di Taekwondo Team Aruba a train na Miami



E atletanan di Taekwondo Team Aruba a train na Miami cerca Champions Martial Arts y Peak Performance bou guia di diferente Coach. For di e prome dia cu e atletanan a yega na training nan a haña un set di uniform pa nan train aden. Tur dia cu nan a bay training nan a bisti un color diferente di uniform pa nan train.

E training tabata di Dialuna pa Diabierna y dos biaha pa dia, for di 10'or di mainta pa 12'or di merdia y for di 2'or pa 4'or di atardi. E prome training a cuminsa cu teoria di combate: Motion, Focus Q&A, Mental Focus y despues a pone tur cos den

practica. Locual cu nan a siña den teoria nan mester a haci den practica. E training tabata pa prepara pa futuro eventonan, entre otro Best of the Best 2025. Tres biaha pa siman nan a bringa cu e sistema electronico Daedo y a haci hopi drill ariba diferente paddle pa nan siña diferente tecnica.

E ultimo dia di training a mira un diferencia den e atletanan cu a participa cuater biaha caba na training camp na Merca. Danki ta bay na tur e automobilistanan y tur esnan cu ta cumpra rifa cu a haci e biahe aki posibel pa e Atletanan di Taekwondo Team Aruba.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

Damita cu comportacion raro despues di a bebe na un club nocturno



Diaranson madruga a drenta informe di cu tin un damita conosi di polis cu tabata sinti su mes malo y tabata benta su curpa na suela pariba di rotonde Tanki flip, mesora a dirigi tanto polis como ambulans na e sitio.

Na yegada di e ambulans nan a atende e damita aki cu tabata tin menos bon intencion cu su curpa.

Despues polis a tum'e over y a bay hib'e pa hospital.



SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

PARLAMENTARIONAN DI AVP A CELEBRA ‘20 DE JULIO’ HUNTO CU E COMUNIDAD COLOMBIANO



ORANJESTAD (21 di juli 2025) – Diadomingo miembronan di fraccion AVP den Parlamento di Aruba a uni na e comunidad Colombiano pa celebra e 214 aniversario di Independencia di Colombia. E celebracion a inclui misa y otro actividadnan cultural, cu un ambiente yena di union y alegria. President di Parlamento

Marlon Sneek y lider di fraccion Jennifer Arends-Reyes a asisti misa na Iglesia Birgen di Fatima na Dakota, mientras cu parlamentarionan Dennerich Kelly y Stephanie Sevinger a uni cu e comunidad na Iglesia Inmaculada Concepcion na Santa Cruz. Delegacion di AVP ta gradici comunidad Colombiano pa e invitacion

y pa e oportunidad pa participa den un dia asina importante. Nan ta reconoce e contribucion valioso di comunidad Colombiano riba nos isla, tanto den nivel social, cultural como economico. E relacion entre Aruba y Colombia ta multifacetico y solido, basa riba respet mutuo, integracion y lazo humano. Celebrando e 214 aña di libertad y soberania



di Colombia, AVP ta desea tur Colombiano – tanto aki na Aruba como na Colombia – hopi felicidad, union y prosperidad pa tur. Despues di misa, e delegashon a disfruta di un evento cultural yena di sabor, ritmonan

tipiko y gastronomia tradicional Colombiano. E celebracion a refleha un gran sentimento di orguyo y pertenencia. AVP ta honra pa comparti e dia aki y ta comprometi pa sigui fortalece e lazonan di amistad y colaboracion entre nos pueblonan.

Polis a para un auto pa un control dilanti Domino's na Santa Cruz

Dialuna anochi polisnan atento riba cayanan di Aruba a tuma nota di un auto y a dicidi pa para esaki pa un control dilanti di domino's Pizza na Santa Cruz.

Mesora a para e auto aki y a pidi e chauffeur pa baha pa atende cun'e.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo



Minister Gerlien Croes ta felicita graduadonan honra na “Best Student Award Event 2025” di Women’s Club of Aruba



Oranjestad, 23 juli 2025 — Minister di Relacionnan den Reino, Educacion, Hubentud, Innovacion y Deporte, mr. Gerlien Croes, ta felicita e 24 miho studiantenan cu a ser honra durante e “Best Student Award Event 2025”, organisa pa Women’s Club of Aruba. E ceremonia a rindi homenahe na graduadonan di diferente scolnan di Aruba pa nan logronan sobresaliente durante e aña escolar. Minister Gerlien Croes, cu tabata presente na e evento pa personalmente saluda y celebra hunto

cu e graduadonan, a reconoce nan dedicacion y perseverancia. Cada un di e studiantenan aki ta representa loke Aruba tin pa ofrece — disciplina, determinacion y curashi pa soña grandi. Como Gobierno di Aruba, nos ta sinti nos orguyoso di boso y nos tin fe cu boso lo sigui muestra e mesun cualidadnan den tur loke boso haci den futuro.

E ‘Best Student Award’ ta un tradicion hopi aprecia di Women’s Club of Aruba, cu tin como meta pa stimula excelencia academico y celebra ehempel positivo

entre hubentud cu ta inspira otro hobennan y comunidad en general. Minister Gerlien Croes tambe a duna un palabra di aprecio na Women’s Club of Aruba pa nan compromiso constante pa empodera e hubentud y promove educacion como pilar di desaroyo di Aruba. “Un inversion den nos hubentud ta un inversion den futuro di Aruba”, Minister Gerlien Croes a enfatisa. “Mi ta felicita y sostene Women’s Club of Aruba pa sigui pone un spotlight riba e potencial increibel di nos studiantenan y pa stimula

nan pa persigui nan soño”. Mirando padilanti, a haci un yamada na e graduadonan pa tuma esaki como un paso firme pa un futuro yena di confiansa y proposito. “E caminda padilanti no semper lo ta facil, pero sa cu bo pais tin fe den bo. Hiba bo educacion, bo balornan y bo vision cubo y semper traha pa

laga un impacto positivo”, Minister Gerlien Croes a finalisa bisando.

Na nomber di Ministerio di Educacion y Hubentud, Minister Gerlien Croes ta manda palabra di felicitacion na tur e miho graduadonan di Aruba y ta desea nan hopi exito den e stapnan cu nan lo sigui tuma.

Despues di un lucha di 6 aña, mi curpa a cansa y mi ta bai sosega.

Mateo 4:18-21

Hesus tabata kana un bia kantu di lago di Galilea. El a mira dos ruman piskadó, esta Simon, tambe yamá Pedro, i Andreas. Nan tabata tira reda den lago. Hesus a bisa nan: ‘Sigui Mi i Mi ta hasi boso piskadó di hende.’ Nan no a pèrdè pa gana, mesora nan a laga nan reda para siguiÉ.

Hesus a sigui kana un poko mas leu i a mira dos otro ruman, Hakobo i Huan, yu di Zebedeo. Nan tabata sintá den boto ta prepará nan reda huntú ku nan tata. Hesus a yama nan i a bisa nan siguiÉ.

Cu profundo tristeza pero conforme cu boluntad di Dios, nos ta anuncia fayecimento di:



Segunda Mathilda Lacle-Flanegin
Mihor conoci como Thilda, Oma of Omachi,
Tanchi, Tanti, Mama y Pepe
*08-09-1950 – †22-07-2025

Acto di entierro lo wordo anuncia despues

AMBULANS A BAY PA UN PERSONA CU A CAY DEN SUPERMERCADO NA DAKOTA Y SU RUDIA A SALI FOR DI LUGA!



Diaranson merdia a supermercado na Dakota un ambulans na e sitio. Na yegada di e cu un persona cu a opera su rudia awor debi na e caida e rudia a sali for di luga. Na yegada di e ambulans nan a atende e victima y a transporte pa hospital.

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - July 23, 2025		
 Sorteo # 4689 2392 3173 3382  X3  Sorteo # 4689 3979  FP  Sorteo # 2745 2153  Sorteo # 4689 9160 Tauro  Sorteo # 1563 575  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 265.000,-	
 Sorteo # 0 x Jackpot 0 x Match 4 0 x Afl. 8,00 Proximo Jackpot 52.000,-		
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 290.000,-		
 Afl. 420.000,-		
 Sorteo # 		



Clasificados





SOLODIPUEBLO@GMAIL.COM
CEL.585 9500





 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - July 23, 2025		
 Sorteo # 8602 9296 3188 4021  FP  Sorteo # 7646 0932  FP  Sorteo # 2351 1044  Sorteo # 6405 4900 Aries  Sorteo # 1335 310  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 265.000,-	
 Sorteo # 6894 0 x Jackpot 3 x Match 4 126 x Afl. 8,00 02-05-24-27-28 Proximo Jackpot 52.000,-		
 Sorteo # 1786 0 x Jackpot 0 x match 4 2 x Afl. 500,00 52 x Afl. 50,00 61 x Afl. 15,00 Mega Ball 15 Proximo Jackpot 290.000,-		
 Afl. 420.000,-		
 Sorteo # Sorteo # 209 231986 		

CHAUFFEUR DI UN NISSAN TIIDA A BAY DAL BASTA FUERTE TRAS DI UN PICK-UP Y A PEGA NA CANDELA RIBA E.J. "WATTY" VOS BLVD



Diaranson mainta a drenta informe di cu un auto lo a pega na candela riba E.J. "Watty" Vos blvd., mesora a dirigi tanto polis como bombero na e sitio. Na

yegada di bomberonan a bin constata cu aki ta trata di un Nissan Tiida bayendo pabao a bay dal fuertemente tras di un Nissan Frontier pick-up. Debi na e impacto e Nissan

Tiida a pega na candela. Bomberonan mesora a combati, domina y paga e candela. Afortunadamente ningun hende a resulta herida.

Polis y ambulans a bay pa un auto cu lo a dal un peaton na Dreamhouse na Brazil



Dialuna anochi a drenta informe di un accidente cu hende herida dilanti Dreamhouse na Brazil, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda e chauffeur cu a bay

reverse e no a mira un persona pasando y e auto a mishi cun'e y a dal e bente abao. E impacto no tabata fuerte pero e caida por tabata peligroso y pa mas siguransa ambulans a hiba e victima levemente herida pa un control mas extenso pa Centro Medico.

FORTALEZA PA FAMIA

Scirbi pa Pastor Marcel Balootje.

**FIELDAD NA DIOS , TA
HABRI TUR PORTA PA NOS**

Den un mundo yen di competencia, caminda hende kier logra tur cos, hasta a causa di otro hende , no ta importa ken nan tira abao, pa nan lanta, basta nan por broma y demostra grandesa.

Pero ora un hende ta fiel na Dios, locual tin cu bini pe lo alcanse, pasobra bendicion di Dios ta sigi esnan cu ta fiel na Dios.

Placa no ta tur cos den bida, ni tampoco hende mester confia den hende mas cu nan ta confia den Dios, bo propio sabiduria por laga bo na caya, pero ora bo ta fiel na Dios, bo exito ta sigura.

Ta cuanto cos e diabel no ta haci pa aleha hende for di Dios, pa kita hende for di nan proposito, pa pone hende bira manera yoyo, dependiendo riba material, enbes di confia den Senjor.

Ta nos tur su deber pa sinja nos yuinan depende di Dios, y no depende riba nan mes forsa, pasobra ora un hende ta fiel na Dios, Dios lo sali na su defensa. (Daniel Capitulo 6).

Bo fieldad na Dios ta identifica ken bo ta,

Bo fieldad na Dios ta hibabo caminda bo mester ta,

Bo fieldad na Dios ta saca bo for di locual bo no mester ta,

Bo fieldad na Dios ta libra bo for di locual bo no ta mira, tur plan contra bo bida ta fracasa ora bo



fieldad na Dios wordo demostra,

Bo fieldad na Dios ta yega mas leu cu bo estudio, pasobra ta bo fieldad ta habri y sera porta pa bo.

Hopi biaha ora problema ta bini den nos bida, ta fieldad na Dios, ta habri porta pa nos por scapa di trampa diabolico.

Fieldad no ta cos cu hende por cumpra, pasobra fieldad cumpra ta falso, e no ta duradero, si un hende ta fiel na bo pasobra bo tin placa, e hende ey no conoce e amor di Dios.

Dios ta fiel tur momento, tanto ora nos ta den vaye, como cu ora ta nos ta riba sero, ora nos cay ta Dios mes ta yuda nos lanta, ora hende por lubida riba nos, Dios semper ta corda riba nos, pasobra nos Dios ta fiel, pesey nos tambe mester ta fiel na Dios.

E fieldad di Daniel na Dios den Daniel Capitulo 6, a pone hasta su enemigonan na su banda, pasobra

locual Dios a haci ta permiti e wordo tira den

cueba di leon, y demostra cu Dios por sera boca di e leon. Pasobra ora cu hende pensa cu lo no tin salida, e ora ey Dios mes ta habri un porta.

Ora un hende ta fiel na Dios e ta fiel den su matrimonio y na su famia,

pasobra no ta posibel un

DIAHUEBS 24 JULI 2025
hende ta fiel na Dios, y e ta maltrata su famia, no laga ningun hende ganja nan mes, pasobra fieldad na Dios no por wordo imita, e no ta un comedia, e no ta un wega, e ta un gran realidad.

Bo no por duna placa pa demostra bo fieldad na Dios, pasobra Dios no por wordo cumpra cu placa, tur e cos ta sinta den bo curason, pasobra ta for di bo curason bo fieldad ta sali pa Dios y pa hende. Fieldad imita, ta wordo yama falsedad, pasobra bo ta pretende algo cu no ta den bo curason djis pa hende kere, pero serca Dios e flie no ta subi pasobra Dios conoce curason di tur hende.

Tin gran beneficio pa tur esnan cu ta fiel na Dios, Pasobra pa Dios nada ta imposibel, Dios ta semper ta na ora.



Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca dJE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaia y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.